

ԺԵ. ՎԱՐԱԳ

Մեզ մնում էր տեսնել Վարազայ վանքը, այնուհետև մեր հետազոտությունները Վանայ շրջակայքում պետք էր վերջացած համարել:

Գեղեցիկ պայծառ առաւօտ էր, երբ ես եւ Ասլանը ձի նստած դուրս եկանք Այգեստանի ծառագարդ փողոցներից եւ ուղեւորոեցանք դէպի վանքը: Մեր առջեւն էր Վարազայ սարը իր սքանչելի տեսարաններով: Արեւը դեռ նոր էր սկսել ծագել: Նա կամաց-կամաց վեր էր համբառնում Վարազայ լեռնագագաթի ճիշտ այն ամենաբարձր կետից, որ կոչւում է Գալիլիա: Ես առաջին անգամն էի տեսնում արեւի մի այնպիսի հրաշալի ծագումը: Ինձ այնպէս էր թւում, որ տվնջեան լուսատուն գիշերը հանգչել էր Գալիլիայի գագաթի վրայ, միեւնոյն նոհրական այրերի մէջ, որտեղ մի ժամանակ պատուպարոած էր Յիսուսի մէջ ընկերուհիների հետ, իսկ այժմ լուսաճաճանչ պայծառութեամբ դուրս էր գալիս իր հանգստարանից՝ լուսաւորելու հայոց աշխարհը: Նոյն այրերի մէջ ճգնում էր երանլի կոյսը, նոյն այրերից դուրս եկաւ եւ նա եւ, որպէս մի պայծառ լոյս, ուղեւորոեցաւ դէպի Արարատ, կատարելու այն մեծ բարոյական պատերազմը հայոց հեթանոս թագաւորի եւ հեթանոսական խաւարի հետ, որի արդիւնքը եղաւ քրիստոնէութեան մուտքը Յայաստանում: Նոյն այրերի մէջ թաքցրեց նա կենսատու փայտի ս. Նշանը, որ ամփոփոած էր մի փոքրիկ խաչի մէջ եւ որը նրա կուրծքի ու պարանոցի աստոածային զարդն էր կազմում: Ամբողջ չորս դար հրաշալի սուրբ նշանը մնաց այնտեղ անյայտութեան մէջ, մինչեւ Թողիկ ճգնաւորի մշտական աղօթքով յայտնուեցաւ նա եւ, արեգակի լուսափայլ պայծառութեամբ, Վարազայ լեռնագագաթի բարձրութիւնից թռչելով, իջաւ նրա լանջաց վրայ, եւ որպէս մի ժամանակ զարդարում էր Յիսուսի մէջ կուրծքը, այնուհետեւ դարձաւ Վարազայ լեռան կրծքի երկնային զարդը: Միեւնոյն տեղում հիմնուեցան տաճարներ, որ սուրբ նշանի անունով կոչուեցան Ս.Խաչ: Այդ տաճարներն էին, որ բոլորը միասին ներկայացնում էին Վարազայ վանքը, ուր այն առաւօտ ես եւ Ասլանը գնում էինք:

Արեւը բարձրացաւ: Նրա ճառագայթները հրեղէն շառաւիղների նման տարածուեցան Վանայ շրջակայքը, տարածուեցան ծովակի մանիշակագոյն մակերեւոյթի վրայ եւ լուսաւորեցին առաւօտեան մռայլի մէջ ծածկոած հեռաւոր լեռները: Ինձ տիրում էր խորին հոգեզմայլութիւն: Արեւի ծագումը զարթեցնում էր իմ սրտում այդ նոհրական վայրերի եւ այդ սրբազան լեռների վաղեմի յիշատակները: Կարծես դարերը ետ-ետ էին գնում, եւ հին աւանդութիւնը կենդանանում էր, կերպարանք էր ստանում իմ աչքի առջեւ: Կարծես կրկին երեւում էր ինձ Թողիկ ճգնաւորի սքանչելի տեսիլքը: Կենսատու ս.